



婦嬰撮要  
 七



武 9  
 584  
 12





門  
卷  
五  
八

保嬰撮要卷之七

熱吐

經云胃傷則吐小兒熱吐者因多食甘甜炙煨之物或乳母膏  
梁厚味胃經積熱或夏間暑氣內伏於胃所致若肌肉瞶動煩  
熱作渴者暑傷胃氣也先用香需飲次用竹茹湯若吐乳色黃  
不能受納者胃經有熱也先用瀉黃散次用人參安胃散若吐  
出酸穢者乳食內停也用保和丸吐乳不消者胃氣弱也用異  
功散吐而少食腹痛欲按者脾氣虛也用六君子加木香凡諸  
症當驗其手指熱則胃熱冷則胃寒熱用瀉黃散寒用理中湯  
不熱不寒異功散調之

保嬰撮要

吳郡薛鎧集 薛 已驗  
江 都 吳中珩校

保嬰撮要

保嬰撮要卷之七

保嬰撮要



治驗

一小兒夏月吐乳手指發熱作瀉飲冷口吐涎水余謂胃氣熱蘆泉開而涎出也用瀉黃散而愈後復嘔吐另用剋滯之劑口渴飲湯流涎不已余謂胃氣虛寒不能攝涎也用理中丸而愈

一小兒七歲嘔吐不食面白指冷此胃氣虛寒也用理中湯嘔吐頓愈又用六君子湯而痊後傷食腹痛發熱嘔吐流涎先用保和丸一服而痛嘔愈再用四君山梔而涎止

一小兒食涼粉而嘔吐酸物頭痛發熱此內傷兼外感也用人參養胃湯末二錢薑湯調服諸症皆愈惟吐酸涎用太安丸一服而止

一小兒傷食發熱嘔吐酸物手指常冷此胃氣虛寒陰盛隔陽於外虛熱所致也用保和丸末二錢濃薑湯調服而吐止再用六君子湯加山梔而安

一小兒嘔吐作渴暑月或用玉露飲子之類而愈又傷食吐酸余先用保和丸一服吐止次用五味異功散飲食漸進又用四君子湯而痊

一小兒暑月患吐瀉服香薷飲五苓散之類而止但手足並冷睡而露睛飲食不入腸鳴作嘔欲用清涼之劑余曰此始為熱終為寒也當捨時從症用人參理中丸以薑湯化二服病勢始定次用助胃膏漸安又用六君子湯調理而愈

一小兒飲食多即吐余用五味異功散愈之又腹痛嘔吐先服大安丸仍用異功散而愈後症復作另投祛逐之劑吐瀉不食腹中痛甚以手按之則止此脾氣復傷也先用補中益



商氏醫書 傷寒雜要卷之七  
氣湯加茯苓半夏一劑又用六君子升麻柴胡二劑飲食頓  
進後食生冷挾驚吐瀉手足並冷唇口搐動用六君子釣藤鈎  
柴胡而愈

一小兒吐酸作渴飲冷腹痛發熱用人參養胃湯加黃連一  
劑吐熱稍定又用保和丸一服腹痛頓止後傷食復吐腹脹  
大便不通用紫霜丸下之尋愈又感冒咳嗽腹脹另服下藥  
發熱作吐腹脹手足並冷睡而露睛發搐用六君子釣藤鈎而  
安又用四君子加當歸川芎而愈後患吐瀉手足並冷用助胃  
膏頓痊

一小兒嘔吐發熱用瀉黃散而愈後因乳母飲酒腹脹吐泄  
用葛花解醒湯子母服之漸愈大便日去五七次用五味異  
功散加升麻二劑日去三次乃用四君子肉豆蔻而痊

一小兒吐酸發熱用保和丸漸愈又用四君子山查補麩而安  
後因飲食過多嘔吐復作另用下積丸更加作瀉腹脹手足  
發搐余以爲肝木侮脾用五味異功散加柴胡釣藤鈎而搐  
止又用六君子湯飲食漸進而痊

一小兒夏間嘔吐腹痛大便不通服大黃藥而愈又傷食患  
吐發熱服瀉黃散等藥嘔吐腹痛按之即止面色青黃手足  
並冷此脾胃復傷而虛寒也用異功散加木香愈之後又傷  
食腹脹作痛或用消食丸吐瀉並作小腹重墜午後益甚余  
朝用補中益氣湯夕用六君子加木香而愈

一小兒嘔吐發熱腹痛面赤手熱口乾飲湯按其腹不痛此  
脾胃氣虛也用異功散加木香乾薑一劑而愈後傷食吐而  
酸腹中作痛按之益甚此飲食內停也用保和丸二服而痊



葛花解醒湯治乳母酒醉後乳兒遺熱為患

白豆蔻砂仁 葛花各五錢 乾生薑 白木 澤瀉

神麴炒黃各二錢 白茯苓 陳皮 人參 豬苓 木香五分

青皮三分 右為末每服二錢白湯調服

愚按前湯先哲不得已而用之蓋醉酒耗氣又復辛散重損真陰折人長命可不慎哉

助胃膏治脾胃虛寒吐瀉等症

人參 白朮 白茯苓 甘草炙 丁香各五錢

砂仁四十 木香三錢 白豆蔻十四 乾山藥一兩 肉豆蔻四箇

右為末蜜丸芡實大每服十九丸米飲化下

香薷散方見熱吐

竹茹湯

五苓散二方並見五淋

玉露散

補中益氣湯

大安丸

保和丸四方見虛羸

六君子湯二方見天鈞

瀉黃散

人參安胃散二方見脾臟

理中丸方見冷瀉

人參養胃湯方見瘧症

寒吐噦逆

錢仲陽曰寒吐者由乳母當風取涼或風寒客於乳房其症面



目脹額汗出脉沉遲微寒氣停於胃故胃不納而吐出也噤逆者由胃氣虛甚過服剋伐使清氣不升濁氣不降以致氣不宣通而作也風寒在胃者用理中丸次服釀乳法若嘔吐清涎夾乳小便清利用大安丸若因乳母食厚味用東垣清胃散若乳母飲醇酒用葛花解醒湯飲燒酒服冷米醋三五杯乳母食生冷而致者用五味異功散乳母停食者母服大安丸子服異功散乳母勞役者子母俱服補中益氣湯乳母怒動肝火者用加味道遙散乳母鬱怒傷脾者用歸脾湯乳母脾虛血弱者用六君芩歸其子亦服三五滴氣血虛而乳熱者子母俱服八珍散仍參熱吐霍亂治之

治驗

一小兒因停食腹痛服疎導之藥而愈後復停食又用前藥

寒熱不食腹脹厚重大便頻而少此脾氣復傷而下陷也先用異功散加升麻數劑後重漸愈再加當歸全愈後因乳母恚怒致兒寒熱發搐作嘔用六君柴胡山梔以治其母兼灌其兒並愈  
 一小兒因乳母感冒風寒發熱兒患嘔吐身發赤暈用東垣人參安胃散而愈又咬牙發搐嘔吐酸腐待其吐止自安  
 一小兒時吐乳食診其母有鬱怒之症用加味歸脾湯加味道遙散治之而愈  
 一小兒七歲身羸兼吐少食發熱面黃余謂脾臟受傷用六君煨薑二劑而飲食進去薑又數劑而愈  
 一小兒吐乳大便臭穢目睛緩視因乳母交感後飲乳所致用六君木香藿香治之而安  
 一小兒吐乳不食手足搐搦痰涎上湧手足指冷額黑唇青



此腎水勝心火也用五味異功散加木香炮薑頓愈去薑又數服而愈  
一小兒不時乾嘔不乳腹膨此脾胃虛而將成疳也用四味  
肥兒丸以治疳四君子湯以健中而痊後傷食吐瀉完穀形  
氣因憊四肢微搐余曰且勿藥次日吐止但搐而瀉青黃此  
脾土虛而肝木勝也用六君釣藤鈎而痊  
釀乳法治嬰兒有胎熱症今乳母服之不可遽用冷藥恐損脾  
胃若加嘔吐必成大患

澤瀉二兩猪苓去黑皮赤茯苓 天花粉各一兩半生地黄二兩

山茵陳去梗甘草各一兩右每服五錢水煎食後捏去舊乳服

茯苓半夏湯治嘔穢心下堅痞膈間有水痰眩驚悸

半夏五錢白茯苓二兩右每服三錢薑水煎服

二陳湯治痰飲嘔吐惡心或頭眩心悸或中脘不快或困食冷物胃氣不和

半夏 橘紅各五錢白茯苓三錢甘草一錢五分

右每服二三錢烏梅一箇薑棗水煎服

四味肥兒丸治嘔吐不食腹脹成疳或作瀉不止或食積脾疳  
目生雲翳口舌生瘡牙齦腐爛發熱瘦怯遍身生瘡又治小  
便澄白腹大青筋一切疳症

黃連 蕪荑 神麩 麥芽炒各等分

右為末水糊丸桐子大每服一二十丸空心白滾湯送下

東垣人參安胃散治服峻劑脾胃虛損或成慢驚泄瀉嘔吐腸

胃有熱以致前症方見脾臟

東垣清胃散方見內鈞

理中丸方見咳嗽

葛花解醒湯方見熱



保嬰丹

大安丸 即保和丸加白朮

保和丸

補中益氣湯 三方見虛羸

加味道遙散

加味歸脾湯

清胃散

六君子湯

異功散

四君子湯 六方見內鈔

八珍湯 方見寒熱

人參養胃湯 方見瘧症

霍亂吐瀉

錢仲陽云吐瀉壯熱不食或乳不消是傷乳也宜白餅子下之  
 後用益黃散和胃若吐瀉身溫不乳大便青白此上實下虛也  
 用益黃散加減治之大凡吐瀉身溫乍涼乍熱氣粗大便黃白  
 吐乳不消此傷風熱也先服大青膏發散後服益黃散和胃若  
 吐瀉身熱多睡能乳吐痰大便黃水胃虛也先用白朮散生津  
 止渴後用大青膏鈞藤飲發散風邪若夏至後吐瀉身熱或吐  
 乳瀉黃此傷熱乳也用玉露散之類凡瀉乳腹痛按之而哭者  
 食積痛也用白餅子下之按之不哭者脾胃氣虛也用五味異  
 功散補之手足指冷者脾胃氣虛寒也用異功散加木香傷風吐  
 瀉者風木剋脾土也亦用前藥若飲熱乳而瀉黃者濕熱壅滯  
 也用四苓散如不瘳或反甚者元氣復傷也用白朮散瀉而腹  
 中重墜者脾氣下陷也用補中益氣湯若服剋滯之瀉而腹中

薛氏醫案

保嬰丹

七



窄狹者脾氣虛痞也用六君子湯若面黃瀉青脾虛而肝乘之  
也用六君柴胡升麻木香若多噫瀉黃心脾氣虛也用六君炮  
薑升麻生下半年旬日內吐者止宜調治其母恐嬰女臟腑脆  
弱不勝藥餌故也

治驗

一小兒盛暑吐瀉米穀不化或用黃連香薷飲之類嘔脹作  
痛手足指冷此脾氣虛而伏陰在內也用五味異功散加木  
香治之而愈先君嘗云凡暑令吐瀉手足指熱作渴飲冷者  
屬陽症宜清涼之劑手足指冷作渴飲熱者屬陰症宜溫補  
之劑故凡病屬陰症誤用寒涼之藥死後手足青黯甚則遍  
身皆然於此可驗

一小兒吐瀉乳食色白不化露睛氣喘此脾肺不足形病俱

虛也先用異功散加柴胡桔梗頓愈再用補中益氣湯而安  
一小兒吐瀉驚悸困倦腹脹此心火虛而脾土怯也用六君  
茯神酸棗仁而愈又用秘肯保脾湯乃瘥

一小兒吐瀉驚搐項強乃脾傷而肝侮形氣虛而病氣實也  
用異功散加釣藤鈎補脾平肝而愈

一小兒吐瀉呵欠頓悶不語畏明屬脾肺不能生肝腎也用  
異功散補脾肺地黃丸補肝腎遂痊

一小兒吐瀉腹脹不乳此脾胃傷也先用香砂助胃膏而飲  
食進後用六君子湯而脾胃健

一小兒寒熱作嘔飲食不入按其腹則哭此飲食停滯也先  
用大安丸遂安但唇目抽動大便稀黃此病邪去而脾氣虛  
弱也用六君子湯以補脾土釣藤鈎以平肝木悉愈



一小兒白睛多唇色白停食吐瀉困睡驚悸久治不愈余曰驚悸為心血虛怯困睡為脾氣虛弱皆稟脾腎不足所致也

用補中益氣湯及六味丸加鹿茸而愈  
一小兒未週歲氣短喘急乳食少進時或吐乳乃脾傷而食積也先用六君山查枳實漸愈後吐瀉作渴用胃苓膏以治吐瀉白朮散以生胃氣而安

一小兒四歲每飲食失節或外驚所忤即吐瀉發搐服鎮驚化痰等藥後患益甚飲食不入藥食到口即嘔余用白朮一味和土炒黃用米泔水濃煎不時灌半匙尚嘔次日微嘔又一日不嘔漸加至半杯月餘而愈

一小兒停食吐瀉身熱作渴瀉下紅白或青黃色服香連丸而愈甚兼手足指冷余謂始為實終為虛也用補中益氣湯

加木香肉果而愈

一小兒傷食吐瀉大便溏泄或青綠色睡而露睛手足指冷額黑唇青此中氣虛弱寒水侮土也用五味異功散加升麻柴胡木香附子一劑而愈後患吐瀉不已先用胃苓散後用異功散而安

一小兒寒熱嘔吐或瀉青色余謂脾虛肝木所乘也用六君柴胡升麻治之而愈後因驚寒熱寅卯時益甚小便頻數久而不愈此肝火血虛先以小柴胡湯加白朮茯苓當歸二劑頓止又用地黃丸而愈

車前子散治暑月霍亂吐瀉煩悶引飲不止小便不利

白茯苓 猪苓

香薷

車前子炒

人參各等分

右為末燈心湯調下



不換金正氣散治脾胃不和寒熱往來臟腑虛熱霍亂吐瀉

厚朴薑製 藿香 陳皮 半夏 蒼朮米泔浸

甘草炙各等分 右每服二三錢薑棗水煎服

二順散治中暑霍亂吐瀉煩悶燥渴小便赤澀便血肚疼

猪苓 澤瀉 茯苓 白朮 甘草炙 桂 乾薑

杏仁各一兩去皮尖雙仁炒 右為末每服半錢不拘時水調下煎服

又釀乳法治胃虛吐瀉睡中吐舌搖頭嘔乳額上汗流驚啼面

黃令兒飢飲

人參 木香 藿香 沉香 陳皮 神麴 麥芽各等分

丁香減半 右每服四錢薑十片紫蘇十葉棗三枚水煎每

服半盞令乳母食後捏去舊乳方服臥少時却與兒乳

胃苓湯又名胃苓散為末蜜丸名胃苓膏治腸胃受濕嘔吐瀉

白朮 茯苓 澤瀉 厚朴 猪苓 陳皮

甘草炒各等分 桂少許

右為末每服二錢薑水燈心陳皮煎湯調下若停食吐瀉小  
便短少腹脹作痛用此以分利之更用六君子湯以調補脾

益黃散方見脾臟

理中湯方見咳嗽

助胃膏方見熱吐一名香砂助胃

白餅子方見發搐

白朮散方見積痛

釣藤散方見慢驚

玉露散方見

五苓散方見五淋

李氏醫案

保嬰最要卷之二

三



香薷飲 方見嘔吐

定命飲子 方見

異功散

六君子湯

四君子湯 三方並見內鈞

大青膏 方見肝臟

補中益氣湯

大安丸 二方見虛羸即保和丸加白朮

香連丸 方見諸痢

小柴胡湯 方見瘧症

四苓散 方見五淋五苓散去桂

疰病

巢氏云小兒疰病者婦人懷妊時有鬼神觸胎所致其狀微利寒熱往來毛髮鬢鬢情思不說宜服龍膽湯又小兒未斷乳母復有胎兒飲其乳羸瘦骨立髮黃壯熱大便不調名疰病又名疰病也用紫霜丸下之益黃散補之令斷乳仍服消乳丸異功散有姪而抱他兒亦致此症海藏云疰病者因母有姪兒飲其乳致病 瘧痢腹大或瘥或發他人相近亦能致之北人有取伯勞鳥羽帶之云可愈者竊謂前症因邪氣所觸而患故用紫霜丸下之若元氣被傷吐瀉諸症者當隨各症治之

益黃散 方見脾臟

消乳丸 方見調護法

異功散

六君子湯 一方見內鈞



紫霜丸

龍膽湯

二方見喉風撮口

補中益氣湯

方見虛羸

冷瀉

湯氏云冷瀉者乃脾胃虛寒水穀不化而泄錢仲陽云小兒不能食乳瀉褐色身冷無陽也當用益黃散加減治之大便清白口不煩渴冷積瀉也理中湯主之若口鼻吸風寒之氣脾胃受生冷之食而作者先用理中湯後用異功散命門火衰不能溫蒸中州之氣故脾胃虛寒者用益黃散及八味丸脾胃虛弱者五味異功散脾氣下陷者補中益氣湯脾氣虛寒者人參理中湯寒水侮土者益黃散肝木乘脾者四君柴胡散手足並冷者加木香乾薑治者審之

治驗

一小兒瀉利青白手冷面青或時吃逆余用人參理中湯更加腹痛仍以前湯加木香乾薑二劑稍緩又以五味異功散加木香漸愈又用五味異功散加升麻調理而痊

一小兒腹痛作瀉飲食不化小腹重墜用補中益氣湯加乾薑為末每服錢許米飲調日二三服旬餘稍愈又以五味異功散為末米飲調服旬餘漸愈又以四君子湯而痊

一小兒泄瀉腹痛手足並冷唇青額黑余謂寒水侮土用益黃散痛止再用六君乾薑漏蘆子母服之頓止又用人參理中湯而痊

一小兒久瀉兼脫肛小腹重墜四肢浮腫面色痿黃時或兼青諸藥到口即嘔吐審乳母憂鬱傷脾大便不實先用補中



益氣湯五味異功散及四神丸調治其母不兩月子母並愈  
 一小兒患瀉乳食不化手足指冷服消乳丸食乳即瀉余用  
 五味異功散加木香母子服之而愈後時搐唇口抽動用異  
 功散加木香鈎藤鈎補脾平肝而痊  
 一小兒泄瀉手足發搐痰涎上湧手足指冷額黑唇青用五  
 味異功散加木香炮薑補心火救脾土而愈  
 一小兒年十四患泄瀉小腹重墜飲食甚少先用六君子湯  
 送四神丸數劑瀉漸止飲食稍進又用補中益氣湯數劑下  
 墜漸愈後因勞發熱自劑而起饑則熱甚用六君炮薑治之  
 稍安又用加味歸脾補中益氣二湯而痊

人參理中湯

人參 白朮炒 乾薑炮 甘草炙各等分

右每服一二錢水煎蜜丸即人參理中丸加附子即附子理中湯

益黃散 方見脾臟

理中湯 方見咳嗽

四君子湯

六君子湯

五味異功散 三方並見內錄

補中益氣湯 方見虛羸

八味丸 方見腎臟即六味丸加肉桂五味子

四神丸 方見驚瀉

熱瀉

湯氏云小兒熱瀉者大便黃赤有沫乃臟中有積或蘊熱所致  
 若小便赤少口乾煩躁當用四苓散熱甚者四逆散右腮色赤



飲冷胃經實熱也用瀉黃丸惡冷喜熱胃經虛熱也用白朮散  
 右腮及額間俱赤心脾熱也用瀉黃散加炒黑黃連若左頰  
 右腮俱赤肝火乘脾土也用四君子湯加柴胡若兒暴傷乳食  
 用保和丸乳母尤當忌厚味節飲食若乳母停食所傷致兒吐  
 瀉等病當治其母大抵始病而熱者邪氣勝則實也終變為寒  
 者真氣奪則虛也久病而熱者內真寒而外假熱也久瀉元氣  
 虛寒當參前症治之

治驗

一小兒夏間食粽傷胃吐而腹痛余用保和丸彼以為緩另  
 用重劑吐瀉並作腹痛益甚按其腹却不痛余曰此食已消  
 而脾胃虛也當溫補之仍行消導香噴發搐余用異功散加  
 木香治之漸愈後復傷食另用去積丸吐瀉不食手足並冷

睡而露睛變為瘡疾余用六君木香炮薑治之而愈

一小兒瀉而大便熱赤小便澁少此熱蘊於內也先用四苓  
 散加炒黃連一劑其熱頓退又用白朮散去木香二劑熱渴  
 頓止以四君升麻調理而痊

一小兒食炙燻甘甜之物常作瀉大便熱痛小便赤澁此膏  
 梁積熱所致用四苓散清胃散各四服諸症稍退乃用四味  
 肥兒丸而瘥

一小兒九歲食炙燻之物作瀉飲冷諸藥不應肌體消瘦飲  
 食少思余用黃連一兩酒拌炒焦為末入人參末四兩粥丸  
 小豆大每服四五十九不拘時白湯下服訖漸愈又用五味  
 異功散加升麻服月餘而瘥後不戒厚味患疳積消瘦少食  
 發熱作渴用丸味蘆薈丸為主以四味肥兒丸為佐疳症漸



退却以四味肥兒丸為主以五味異功散為佐而痊後又不  
禁厚味作瀉飲冷仍服肥兒丸異功散而愈

一小兒侵晨泄瀉服消疳清熱之劑不應余謂脾腎虛用二  
神丸治之不信仍服前藥形體骨立復求治用四神六味二  
丸治之尋愈停藥數日飲食漸減泄瀉仍作至十七歲嬖姻  
瀉渴頓作用前藥治之無効乃用補中益氣湯八味丸而愈  
一小兒因母怒氣停食患泄瀉服消導之劑更加吐乳先用  
養胃湯加炒黑黃連一錢吳茱萸三分木香四分治其母子  
亦灌一二匙悉愈後母傷食患血痢腹痛其子亦然治以四  
君子加前三味母子俱服因惑於人言但令母服子另服治  
痢之藥加作嘔不乳手足並冷余用五味異功散加木香炮  
薑漏蘆母子並服而愈

一小兒患瀉身熱作渴瀉下穢氣此為內熱而瀉也用香連  
丸一服而愈後患瀉服黃連香薷飲益甚余用六君木香肉  
果而愈

一小兒患瀉作渴飲冷手足並熱睡而露睛此為熱瀉用黃  
芩湯一劑而愈又用白朮散二服而安

一小兒患瀉而赤飲冷小便赤色先用四苓散香連丸各一  
服而便利勢減又用異功散加木香黃連各二分吳茱萸一  
分二服而瘳

一小兒瀉而腹痛按之不痛用異功散加升麻而愈後復瀉  
服消乳丸益加腹痛余謂脾氣傷也復用異功散加木香而  
一小兒吐瀉腹痛睡而露睛小腹重墜手足並冷先用六君  
升麻乾薑四服而痛墜愈又用異功散加升麻木香而悉愈



後又傷食腹痛別服祛逐之劑虛症悉具余用理中六君子湯而尋愈但噫氣下氣口角流涎此脾胃虛寒也復用理中六君子二湯而愈

黃芩湯治下痢頭痛胸滿口乾或寒熱脇痛不時嘔吐其脈浮

黃芩五錢芍藥五錢甘草一兩

右每服二三錢薑水煎嘔加半夏二錢

玉露散治吐瀉黃色

寒水石各半兩石膏各半兩甘草一錢

右為末每服半錢白滾湯調服

四味肥兒丸方見嘔吐

異功散方見內鈞

二神丸

四神丸二方見驚瀉

八味丸即六味丸加肉桂五味方見腎臟

調中湯即理中湯方見咳嗽

白朮散方見積痛

四苓散即五苓散去桂方見五淋

四逆散方見積滯

胃苓湯方見吐瀉

養胃湯方見癰症

清胃散

四君子湯

六君子湯三方見內鈞

保和丸方見虛癰

保嬰最要卷之七



香連丸

方見諸劑

### 食瀉

東垣云傷食則惡食小兒食瀉者因飲食傷脾胃氣不能健運故乳食不化而出若噯臭吞酸胃膈脹滿腹痛按之益痛者雖作瀉而所停滯之物尚未消也用保和丸腹痛按之不痛者乳食已消也用異功散脾氣傷而未復不思飲食者用六君子湯所傷生冷之物及喜熱者並加木香乾薑乳食已消腹痛已止瀉尚未止者脾失清升之氣也用補中益氣湯餘有別症當察各門

### 治驗

一小兒泄瀉不食噯腐酸氣用平胃散一服而瀉止又用五味異功散而飲食增後復傷吐瀉喘嗽手足指冷面色黃白余謂脾虛不能生肺也用六君子升麻補脾而愈

一小兒傷食作瀉發熱服寒涼藥熱甚作嘔此胃經虛熱也先用四君子升麻而嘔止又用白朮散而安

一小兒乳哺失節泄瀉腹痛自用藥下之反加痰搐又服化痰止搐之藥而痰搐益甚睡而露睛手足微冷余以謂脾胃已虛而重傷之也用異功散加木香釣藤鈎母子並服三日而痰搐止五日而瀉痛除

一小兒傷食瀉青發搐余謂肝木勝脾也用六君子木香釣藤鈎而愈後傷食腹痛別用消食丸唇額頰黑瀉益甚此脾氣虧損寒水反來侮土也用六君子木香乾薑而痊

一小兒面色痿黃傷食作瀉面色頰白氣喘痰湧余謂脾肺氣虛下陷法當升補彼不信別服清氣化痰之藥虛症蜂起余先用補中益氣湯一劑諸症頓退又用五味異功散而痊

薛氏醫按

保嬰最要卷之七

七

薛氏醫按



一小兒泄瀉兩寸脉或短或伏用補中益氣治之頓愈余見  
患前症不服此藥而危者多矣惜哉

一小兒飲食後即瀉先用六君升麻神麴山查而止又用五  
味異功散加升麻而痊後傷食吐瀉腹痛用保和丸二服又  
用異功散調補脾氣而安

一小兒傷食作瀉腹脹四肢浮腫小便不利先用五苓散加

木香旬餘諸症漸退又用五味異功散為主佐以加減腎氣

丸又旬日二便調和飲食漸進浮腫旋消乃以異功散

一小兒十三歲傷食作瀉服剋伐之劑胸腹膨脹手足並冷

余謂當調補中氣不信後見睡而露睛唇口搐動乃用六君

木香釣藤鈎至四劑搐動頓止又二劑飲食加進以五味異

功散加升麻柴胡兩寬瀉止而愈

調中湯治傷乳食瀉後脾胃虛噉吐瀉

人參 伏苓 白朮 木香 乾薑 藿香

香附炒去毛 縮砂仁 甘草炙 丁香各等分 右水煎食前服

香橘餅治傷冷積瀉

木香 青皮各一錢 陳皮二錢五分 厚朴 神麴 麥芽炒各

右為末蜜丸為餅每服一枚米飲調下

保安丸治傷食瀉

白殭蠶炮 青皮去穢 陳皮去白 三稜炮 蓬朮炮

甘草炒各五錢 砂仁 香附各一兩

右為末用麥芽米糊丸棗豆大每服二三丸白湯下

四君子湯

六君子湯

幸氏醫按

保嬰最要卷之七

七

持百八



異功散 三方並見內釣

白朮散 方見積痛

平胃散 方見胃氣虛冷

白餅子 方見發梅

消食丸 方見嘔吐乳

補中益氣湯

保和丸 如白朮名保和湯二方見虛羸

胃苓散 即五苓散平胃散合用薑棗煎服又名胃苓湯

金匱加減腎氣丸

驚瀉

小兒驚瀉者肝主驚肝木也盛則必傳尅於脾脾土既尅則乳食不化水道不調故泄瀉色青或兼發搐者蓋青乃肝之色搐

乃肝之症也亦有因乳母脾虛受驚及怒動肝火而致者經曰怒則氣逆甚則嘔血及殮泄法當平肝補脾慎勿用峻攻之藥脾氣益虛肝邪彌甚甚至抽搐及張者亦肝火熾盛中州虧損之變症也凡見驚症即宜用四君六君異功散等方加白附子定風柴胡平肝引經以杜漸則必不至瀉搐而自安矣今已見瀉吐驚搐尚不知補脾平肝以保命抱龍鎮驚等藥治之其亦去生遠矣

治驗

一小兒因驚久瀉面色青黃余謂肝木勝脾土也朝用補中益氣湯夕用五味異功散加木香子母俱服而愈

一小兒泄瀉驚搐其母面青脉弦先用小柴胡湯加木香漏蘆一劑次用四君木香釣藤鈞山梔母子同服而愈

一小兒因其母被驚患瀉服藥傷胃反致吐乳余用五味異



功散炒黑黃連木香治其母時灌子一二匙俱愈後母因鬱怒停食下痢嘔吐腹痛其子昏憤不食以六君子湯加車前子黃連木香母子俱服而安

一小兒久瀉青色腸鳴厥冷余曰此驚泄也脾土既虧則肝木來侮須溫脾平肝然後可愈彼以爲迂自用治驚等藥腹脹重墜小便不利四肢浮腫始信前言重復請治余先用五味異功散加升麻柴胡數劑諸症稍可又以補中益氣湯數劑飲食少加又因傷食夾驚吐瀉發搐復用異功散加柴胡釣藤鈎四劑諸症稍退又傷風咳嗽腹脹作瀉或用發散解利之劑手足逆冷睡中發搐余謂此脾土虛而肺金受症重傷真氣故也用異功散加紫蘇一劑以散表邪次以補中益氣湯加茯苓半夏調補真氣而痊

一小兒因驚吐瀉腹脹先用六君木香柴胡治之稍可又以五味異功散而愈後因驚搐痰甚或用鎮驚化痰之藥倦怠不食而泄益甚先用異功散加木香釣藤鈎四劑而愈

四神丸治脾虛胃弱大便不實飲食不思或泄痢腹痛

肉豆蔻 二兩 補骨脂 四兩 五味子 二兩 吳茱萸 一兩

右爲細末用紅棗六十五枚生薑六兩用水二鍾煮乾取棗肉和丸如桐子大每服五六十丸白湯送下或化服

二神丸

補骨脂 四兩 肉豆蔻 二兩

右爲末用紅棗四十九枚生薑四兩用水一鍾煮乾取棗肉和丸桐子大每服二三十丸白滾湯下

朱君散治吐瀉後有此症并糞青者宜服之卽四君子湯加辰



砂麝香燈心釣藤鈎為末每服一錢白湯調下方見內鈎

太乙丹常服安神鎮驚止夜啼

桔梗兩 藿香葉 白藕豆炒各半兩 白芷 川芎各二錢

右為末蜜丸艾實大辰砂為衣每服一九薄荷湯磨下糞青者棗湯下夜啼燈心釣藤湯下加白朮茯苓白芍藥尤妙

補中益氣湯方見虛羸

六君子湯

五味異功散二方並見內鈎

小柴胡湯

至聖保命丹二方並見痙症

八味丸即六味丸加五味肉桂方見腎臟

諸痢

錢仲陽云瀉痢黃赤黑皆熱也瀉痢青白米穀不化皆冷也東垣云白者濕熱傷於氣分赤者濕熱傷於血分赤白相雜氣血俱傷也海藏用四君芩歸治虛弱之痢四君乾薑治虛寒之痢余嘗治手足指熱飲冷者為實熱用香連丸手足指冷飲熱者為虛寒用異功散送香連丸若兼體重肢痛濕熱傷脾也用升陽益胃湯小便不利陰陽不分也用五苓散若濕熱退而久痢不愈者脾氣下陷也用補中益氣湯倍加升麻柴胡瀉痢兼嘔或腹中作痛者脾胃虛寒也用異功散加炮薑木香或變而為瘕者肝剋脾也用六君升麻柴胡釣藤鈎若積滯已去痢仍不止者脾氣虛也用四君子送下香連丸若因乳母膏粱厚味六淫七情致兒為患者當各推其因仍兼治其母并參冷熱瀉及積滯腹痛等症覽之



治驗

一小兒下痢赤白裏急後重腹時痛用香連丸而痊後傷食復變痢欲嘔少食用五味異功散加木香三分黃連二分吳茱萸一分數劑而愈

一小兒患痢口乾發熱用白朮散煎與恣飲時以白朮散送香連丸而安

一小兒久痢裏急後重欲去不去手足並冷此胃氣虛寒下陷也用補中益氣湯加木香補骨脂倍加升麻柴胡而愈

一小兒久痢作渴發熱飲湯用白朮散為主佐以人參二兩黃連一兩炒黑爲丸時服數粒盡劑而痊

一小兒作瀉不乳服剋伐之劑變痢腹痛後重余用補中益氣湯送香連丸又用香砂助胃膏六君子湯而愈

一小兒傷乳食不時嘔吐雜用消導之藥變痢不止先用六君木香漸愈後用七味白朮散而痊

一小兒傷乳食吐瀉變赤痢後重腹痛先用香連丸而愈又乳食過多腹痛先用保和丸一服痛止又用五味異功散加木香二劑而愈

一小兒下痢腹痛陰冷小便短少用五味異功散加肉豆蔻頓愈復作嘔吐噁酸或用巴豆之藥連瀉五次飲食頓減手足並冷余用五味異功散加木香乾薑飲食少進倍用乾薑又四劑手足溫而痢亦痊

一小兒痢後腹脹作嘔大便不實小便不利諸藥不應余先用五味異功散加木香肉果數服二便少調又數劑諸症少愈用八味丸補命門之火腹脹漸消用金匱加減腎氣丸諸



症頓退又用四君升麻柴胡而全安

一小兒患痢喘嗽不已此肺氣虛也用六君子加木香為末每服錢許以人參陳米薑湯調服即睡乳食少進又二服而喘嗽頓安乃用四君子湯而痊

石連散治小兒噤口痢嘔逆不食

蓮肉炒去心

為末每服一錢米飲調一方山藥末米飲調

胃風湯治風冷客於腸胃乳食不化泄瀉腸鳴腹滿而痛或下如豆汁或瘀血日夜無度

白芍藥 白朮 肉桂 人參 當歸 川芎 茯苓

右為末每服二錢入粟米水煎空心熱服

香連丸

黃連十兩用吳茱萸五兩水拌濕入磁器頓滾湯中半日炒焦黑 木香二兩

右為末丸如赤豆大每服二三丸白湯下

地榆飲治冷熱痢腹痛下痢赤白類併

地榆三分 甘草 赤芍藥炒 枳殼各二分 右水煎服

黃連解毒湯治時疾三日汗已解若煩悶乾嘔口燥呻吟發熱不臥

黃連炒三錢 黃柏炒兩半 梔子炒四枚 黃芩炒二錢

右每服二三錢水煎未効再服亦治熱痢

湯氏異功散止渴消暑生津

澤瀉 猪苓去皮三錢 陳皮二錢半 白朮 茯苓 人參

各五錢 辰砂一錢

右為末蜜丸芡實大每服一丸燈心竹葉湯化下

升陽益胃湯

黃芪二錢 半夏 人參 甘草炙各一錢 獨活 防風



白芍藥 薑活各五錢 陳皮 茯苓 柴胡 澤瀉

各三分 白朮 黃連炒一錢

右水二鍾薑三片棗二枚煎四分食遠服

五苓散 方見五淋

愚按前症若津液偏滲於大腸大便瀉而小便少者宜用此藥分利若陰陽已分而小便短少者此脾肺虛而不能水也宜用補中益氣湯加麥門五味虛火上炎而小便赤少者此肺氣受傷而不能生水也用六味地黃丸料加麥門冬五味不可驟以小便不利而用滲泄之劑也

四君子湯

六君子湯

五味異功散 二方見內鈞

補中益氣湯

保和丸 二方見虛羸

香砂助胃膏 方見熱吐

白朮散 方見積痛

八味丸 方見腎臟六味丸加肉桂五味子

金匱加減腎氣丸 方見腹脹

瘧

經曰夏傷於暑秋必痃瘧其證先起於毫毛伸欠乃作寒燥鼓領腰脊俱痛寒去則內外皆熱頭痛如破渴欲冷飲蓋邪氣并於陽則陽勝并於陰則陰勝陰勝則寒陽勝則熱陰陽上下交爭虛實更作故寒熱間發也有一日一發二日一發三日一發有間一日連二日發有日與夜各發有上半日發下半日發及

瘧疾論

瘧疾論

五

瘧疾論



發於夜者有有汗有無汗此其畧也以詳言之各分六經五臟及痰食勞暑鬼瘴之不同邪中三陰之各異如足太陽之瘧令人腰痛頭重寒從背起先寒後熱熛熛暍暍然熱止汗出難已足少陽之瘧令入身體解休寒不甚熱不甚惡見人見人心惕惕然熱多汗出甚足陽明之瘧令人先寒洒淅洒淅寒甚久乃熱熱去汗出喜見日月光火乞乃快然足太陰之瘧令人不樂好太息不嗜食多寒熱汗出病止則善嘔嘔已乃衰足少陰之瘧令人嘔吐甚多寒熱熱多寒少欲閉戶而處其病難已足厥陰之瘧令人腰痛小腹滿小便不利如癢狀非癢也數便意恐懼氣不足腹中悒悒此六經瘧也肺瘧者令入心寒甚熱熱間善驚如有所見者心瘧者令人煩心甚欲得清水反寒多不甚熱肝瘧者令人色蒼蒼然太息其狀若死者脾瘧者令人寒

腹中痛熱則腸中鳴鳴已汗出腎瘧者令人洒淅然腰脊痛死轉大便難目眴眴然手足寒胃瘧者令人且病也善飢而不能食食而支滿腹大此五臟瘧也痰瘧者胸膈先有停痰因而成瘧令入心下脹滿氣逆煩嘔是也食瘧者是飲食傷脾其人噫氣吞酸胸膈不和是也勞瘧者久而不瘥表裏俱虛客邪未散真氣不復故疾雖間遇勞即發是也暑瘧者其人面垢口渴雖熱已退亦常有汗是也鬼瘧者進退無時是也瘴瘧者感山嵐瘴氣其狀寒熱休作有時是也作於子午卯酉日為少陰瘧作於寅申巳亥日為厥陰瘧作於辰戌丑未日為大陰瘧此所謂三陰各異也久而不愈名曰瘵瘵瘵老瘵也老瘵不愈結癖於兩脇之間名曰瘵母此先失於解散或復外感風寒內傷飲食故纏綿不已也治法風暑之邪從外而入宜解散之解表後



即宜扶持胃氣故丹溪曰無汗要有汗散邪為主有汗要無汗固正氣為主驟發之瘧宜解表久發之瘧宜補脾寒瘧宜溫溫瘧宜和瘧瘧宜清挾痰則行痰兼食則消食勞瘧宜安暑瘧宜解鬼瘧宜祛瘴瘧宜散此亦其畧也更以詳言之則熱多寒少者小柴胡湯寒多熱少者清脾飲子無汗者桂枝麻黃各半湯有汗者柴胡桂枝湯渴而小便不利者五苓散熱多汗出腹滿便閉者大柴胡湯痰瘧者二陳湯加柴胡黃芩甚者加枳實食瘧者先用大安丸次用異功散勞瘧瘵瘧並用補中益氣湯暑瘧者十味香薷飲鬼瘧者鬼哭散瘴瘧者四獸飲瘧母者鼈甲飲凡脾胃虛而患瘧者不拘有汗無汗三陰六經悉以六君子湯為主熱多加柴胡山梔寒多加乾薑肉桂有汗加黃耆浮麥無汗加蒼朮葛根元氣下陷及肝木乘脾並加升麻柴胡為善

若用青皮草果常山等藥以為攻截良法正氣益虛邪氣無所是多延綿不止而為勞熱者有矣若乳母七情六欲飲食不調或寒熱似瘧肝火熾盛致兒為患者又當治其乳母斯無誤矣

### 治驗

一小兒先因停食腹痛服峻厲之劑後患瘧日晡而作余以為元氣下陷欲治以補中益氣湯不信泛行清熱消導前症益甚食少作瀉余朝用前湯夕用異功散加當歸月餘而愈

一小兒每午前先寒後熱久不愈用六君子加炮薑丸芡實大每服一丸旬餘而愈

一小兒患瘧兼便血盜汗年餘矣審乳母素有鬱怒寒熱便血朝用加味歸脾湯夕用加味道遙散兒以異功散加酒炒芍藥為末每服三四分米飲下月餘母子並痊



一小兒瘧發熱服消導之劑腹脹作嘔四肢浮腫先用五味異功散加木香諸症頓退飲食頓進後因飲食過多作瀉用補中益氣湯加木香又用五味異功散而痊

一小兒瘧後腹脹咳嗽倦怠屬脾肺氣虛用補中益氣湯茯苓半夏尋愈後傷食發熱如瘧服寒涼之劑更加便血用四君升麻柴胡便血頓止又用補中益氣湯而愈

一小兒瘧將愈飲食過多腹脹發熱大便不通用消積丸保和丸異功散尋愈後飲食不節寒熱吐瀉用異功散柴胡胡升麻愈

一小兒瘧後少思飲食便血發熱腹脹屬脾虛不能統血先用異功散加升麻柴胡而血止又補中益氣湯飲食頓進仍用異功散而痊

一小兒瘧後腹脹用五味異功散四味肥兒丸而漸愈用補

中益氣湯而愈後傷食腹脹大便不實小便不利用五味異功散金匱加減腎氣丸而愈

一小兒愈後便瀉用補中益氣湯加山梔而小便通因勞發熱不食小便不利用補中益氣五味異功散加升麻柴胡而痊後每勞心寒熱如瘧用補中益氣湯飲食失節如瘧用五味異功散隨愈

一小兒十四歲瘧後肚腹膨脹小便不利屬脾腎虛寒朝用補中益氣湯夕用金匱加減腎氣丸而痊畢姻後朝寒暮熱肌體消瘦服滋陰之劑更痰甚發熱腹中作脹小便不利余朝用補中益氣湯夕用金匱加減腎氣丸而愈

一小兒瘧疾將愈飲食過多腹脹發熱大便不通用消積丸保和丸異功散調理脾胃而愈後飲食不節寒熱吐瀉先用



胃苓散吐瀉止又用異功散柴胡升麻寒熱愈

一小兒十五歲瘧後發熱吐痰余謂脾氣所變不信反服黃柏知母之類諸症悉具謂余曰胃火盛而滋水其症益甚何也余曰症在脾陰土喜溫和而惡寒濕前所用藥悉屬沉陰復傷其生氣故病愈甚也先用六君柴胡升麻木香四劑諸症頓愈乃佐以異功散加柴胡升麻元氣漸充又朝用補中益氣湯夕用異功散而愈畢婚後發熱如瘧用補中益氣湯寒熱益甚手足並冷另用清熱等藥大便去則小便牽痛小便去則大便先出余謂此陰精已耗而復傷耳乃腎氣虛寒之危症也用大劑補中益氣湯八味地黃丸喜其遠轉轉而生柴胡桂枝湯治瘧身熱多汗

柴胡 八錢 黃芩 三錢 半夏 二錢 芍藥 甘草 桂枝 各三錢

右每服二三錢薑水煎

鬼哭散治瘧久不止

常山 大腹皮 白茯苓

鼈甲 醋炙 甘草 炙各六錢

右入桃柳枝各七寸水煎服

清脾飲子治脾瘧脉弦數但熱不寒或熱多寒少膈滿不食口

苦舌乾煩渴小便黃赤大腸不利

青皮 炒 厚朴 薑製 白朮 草果 柴胡 茯苓

半夏 炮七次 黃芩 甘草 炙各等分 右每服二三錢薑水煎服

四獸飲治陰陽相勝結聚涎飲為癰兼治癰瘰神効

半夏 茯苓 人參 白朮 草果 橘紅 各等分 甘草 減

右用烏梅薑棗濕紙裹煨香熟焙乾入藥每服二錢水煎服

鼈甲飲子治瘧久不愈脇下痞滿形容羸瘦腹中結塊時發寒

鼈甲 炙 黃芩 炙 芍藥 炙 甘草 炙 各等分 水煎服



薛氏醫案 保嬰攝要卷之七 五八 字百九四

熱名曰瘧母

鼈甲醋炙 白朮 甘草 黃耆 白芍藥 川芎

人參養胃湯治外感風寒內傷生冷寒熱如瘧或嘔逆惡心寒瘧加桂枝

人參 厚朴 蒼朮 半夏炮 藿香 草菓仁

茯苓各五錢 甘草 橘紅二錢半

右每服二三錢薑七片烏梅一個水煎熱服

桂枝麻黃各半湯治發熱自汗或無汗

桂枝 白芍藥 生薑 甘草炙 麻黃各一錢

杏仁十粒炮去皮尖

右水一鍾大棗二枚煎四分食遠服

五苓散方見五淋

小柴胡湯

大柴胡湯二方見瘧症

二陳湯方見寒吐

大安丸即保和丸加白朮

補中益氣湯方見虛羸

十味香薷飲方見嘔吐乳

六君子湯

加味歸脾湯

加味逍遙散

異功散四方見內鈞

薛氏醫案 保嬰攝要卷之七 五九 字百九五



保嬰撮要卷之八

保嬰撮要卷之八

薛氏醫按

吳郡薛鎰集 薛 已驗

江 都 吳中珩校

脫肛

夫肺與大腸相為表裏肛者大腸之魄門是也巢氏云實熱則大便秘結虛寒則肛門脫出此多因吐瀉脾氣虛肺無所養故大腸之氣虛脫而下陷也用補中益氣或四君子為主若脫出緋赤或作痛者血虛而有熱也用補中益氣湯佐以四物牡丹皮微者或作痛者氣虛而有熱也佐以四君牡丹皮大凡手足指熱者屬胃氣熱手足指寒者屬胃氣寒

治驗

一小兒痢後脫肛飲食少思面色青黃余謂脾土虧損肝木

保嬰撮要卷之八



所勝也不信另服消導尅滯之劑腹痛膨脹倦怠作嘔余曰  
 脾氣虛甚矣又不信恪服前藥腹益脹重墜四肢浮腫復精  
 治之仍欲尅滯余曰腹脹重墜脾氣下陷也先用五味異功  
 散加木香四劑更手足冷又加乾薑四劑而腹脹諸症漸愈  
 後因飲食過多作瀉脫肛用補中益氣湯加木香及五味異  
 功散而愈

一小兒脫肛半載侵晨便泄兩目白多用升補脾氣之劑不  
 應余曰腎開竅於二陰此屬腎虛也用四神地黃二丸及補  
 中益氣湯月餘而愈

一小兒痢久脫肛目睹多白面色漸黃余用補中益氣湯六  
 味地黃丸調補脾腎而痊

一小兒小便頻數溢滯次下痢脫肛久而不愈余以為  
 父腎虛用六味地黃丸尋愈後患泄瀉咳嗽聲啞亦用前丸  
 而痊

一小兒脫肛用寒涼之藥肢體倦怠飲食少思肛門重墜此  
 脾氣虛而中氣下陷也用補中益氣湯加酒炒芍藥白朮  
 苓而痊

一小兒肛門腫痛出血水年餘未愈忽吐血便血皆成紫塊  
 此腸胃積熱用聖濟犀角地黃湯頓止更用金銀花甘草為  
 末白湯調服半載而痊

一小兒脫肛雜用除濕祛風收瀉等藥面黃體倦少食便血  
 余欲升補脾氣以攝其血反服四物槐花之類而血益甚更  
 加作嘔余先用四君木香治之形氣漸充便血頓止又用補  
 中益氣湯更以草薢仁塗頂心而愈



薛氏醫案 傷寒雜症卷之八

一 小兒因咳嗽服化痰等藥或作或徹服滾痰丸更吐瀉羊  
足指冷眉目發搐肛門脫而不赤余朝用補中益氣湯夕用  
六君子湯治之諸症漸愈但脫肛未入恪服補中益氣湯而  
一 小兒患痢脫肛色赤或痛用補中益氣湯送香連丸而愈  
後傷食作瀉肛復脫不入仍用前湯更以草薢仁研塗而愈  
瀉腸散治小兒久痢腸頭脫出

訶子炮 赤石脂 龍骨各等分

右為末臘茶少許和摻腸頭上絹帛擦入

四神丸 方見驚瀉

地黃丸 方見腎臟

補中益氣湯 方見虛癆

聖濟屏角地黃湯 方見便血尿血即濟生犀角地黃湯

四君子湯 方見內鈞

龍胆瀉肝湯 方見疝氣

肛門作痒

小兒肛痒或嗜甘肥大腸濕熱壅滯或濕毒生蟲而蝕肛門若  
因濕熱壅滯用四味肥兒丸大便秘結者用清涼飲蟲食肛門  
先用化蟲丸後用四味肥兒丸外以雄黃散納肛內若因病不  
食蟲無所養而食臟食肛者其齒齲無色舌上盡白四肢倦怠  
其上唇內有瘡唾血如粟心內懊懣此蟲在上食臟若不唇內  
有瘡此蟲在下蝕肛門若蝕肛透肉者不治諸蟲惟上半月頭  
向上可用藥追之望後頭向下令患者聞煎食香味蟲頭即向  
上矣後用藥追之

治驗

薛氏醫案 傷寒雜症卷之八 三



一 小兒嗜膏粱甘味患疥瘡余謂當禁其厚味急用清胃之藥以治其積熱不從乃用敷藥以治其外更肛門作痒發熱瘡益甚肌體骨立飲食少思遂用九味蘆薈丸五味異功散加柴胡升麻尋愈

一 小兒肛門作痒耳前後結小核如貫珠隱於肌肉之間小便不調面色青此稟母之肝火為患用九味蘆薈丸為主佐以五味異功散加山梔柴胡又以加味逍遙散加漏蘆與母服之而愈

一 小兒十三歲肛門作痒或脫出或大便血遍身生瘡發熱作渴腹大青筋用大蘆薈丸五味異功散其瘡漸愈佐以補中益氣湯熱渴漸止肛門悉愈又用異功散為主佐以補中益氣湯加吳茱萸所製黃連治之而血愈

一 小兒十五歲兩目白翳遍身似疥非疥肛門作痒時熱作渴形體骨立余以為肝疔之症也用六味地黃丸而痊後陰莖作痒小便澄白服蟠葱散肛門腫痛服大黃等藥肛門脫出作痒不可忍雜用降火之藥不應下唇內生小白瘡余以為蟲蝕肛門用九味蘆薈丸而愈

一 小兒肛門作痒悞以為痔服槐角丸等藥肢體消瘦鼻下濕爛下唇內生瘡此蟲食下部也先用化蟲丸二服乃用五味異功散四劑却用大蘆薈湯四味肥兒丸而痊

一 小兒七歲飲食過多即作瀉面色青黃服峻利剋劑余謂當節飲食健脾胃為善不信後牙齦赤爛肛門作痒服青熱之劑腹痛膨脹復請欲用剋劑余曰此元氣虧損虛火上炎也仍不信後腮間黑腐余曰此脾氣大虛肉死而不知痛也



明矣後雖信余已不救矣若初用五味異功散健脾胃為主佐以大蘆薈丸四味肥兒丸清脾濕熱豈有不治之理哉後之患者審之

一 小兒肛門作痒屬大腸經風熱用槐角丸而愈

一 小兒肛門連陰囊痒出水淋漓屬肝經濕熱也用龍胆瀉

肝湯九味蘆薈丸治之並愈

一 小兒嗜甘肥肛門作痒發熱作渴雜用清熱之氣腹脹少食鼻下生瘡余謂脾胃濕熱生蟲也不信後下唇內生瘡先用四味肥兒丸諸症漸愈又用大蕪荑湯治之而痊  
便血尿血

經云肺朝百脉之氣肝統諸經之血又云氣主响之血主濡之蓋榮血為水穀之精氣灌漑五藏不腑四肢百骸若脾胃有傷

榮衛虛弱行失常道故上為衄血吐血下為尿血便血者外感風邪則血鮮為腸風內傷則血濁為臟毒又熱入大腸則大便下血熱入小腸則小便出血然小兒多因胎中受熱或乳母六淫七情厚味積熱或兒自食甘肥積熱或六淫外侵而成若因母食厚味者加味清胃散怒動肝火者加味小柴胡湯憂思鬱怒者加味歸脾湯稟父腎燥者六味地黃丸兒有積熱小便出血者實熱用清心蓮子飲虛熱用六味地黃丸大便出血者犀角地黃湯風邪外侵者倉廩散病後元氣下陷者補中益氣湯痘前見血者四君加黃連製吳茱萸後見血者四君加吳茱萸製黃連若嬰兒以治母為主餘當臨症制宜

治驗

一 小兒七歲食菱芡過多腹脹發熱大便不通小便下血先



用消積丸大便即道小便血止又用保和丸及異功散而愈  
一小兒因乳母飲酒小便出血用八正散去大黃加乾葛山  
梔漏蘆母子服之並愈

一小兒小便見血或咳血衄血此脾肺虛熱食後用聖濟犀  
角地黃湯食前用六味地黃丸頓愈後因食厚味復作用加  
味清胃散及六味丸而愈

一小兒稟父氣不足不時便血用六味地黃丸補中益氣湯  
而愈後因母飲酒炙煇復致前患母復加味清胃散子服地  
黃丸而愈

一小兒便血兩足發熱齒齕潰臭朝用六味地黃丸夕用異  
功散加蕪荑月餘漸愈乃佐以補中益氣湯而愈

一小兒稟父腎虛便血作渴足熱形瘦用六味丸尋愈後出

痛第四日兩足發熱作渴飲冷以前丸料煎與飲三劑後  
足涼渴止其痘安然而靨

一小兒便血面青脇痛小便頻數此肝木侮脾土而不能統  
攝也用異功散加柴胡炒黑龍膽草二劑肝症頓退仍用異  
功散而血止

一小兒便血發熱作渴飲冷用黃連解毒湯一劑熱服諸症  
頓愈後因飲食過傷下血甚多發熱倦怠飲食少思先用補  
中益氣湯元氣復而飲食增又用四君加升麻而愈

一小兒便血作渴少食先用七味白朮散渴止食進又用補  
中益氣湯而瘥後食生冷腹脹便秘用保和丸二便下血或  
時發搐此脾氣傷而肝火動也用異功散加釣藤鈎柴胡而  
搐止又加升麻木香而血止



一 小兒食生冷果品腹脹作痛大便不利小便尿血用茯苓散加黃連二劑大便通而尿血愈

一 小兒尿血兩足發熱用六味地黃丸而愈後患痢久不愈復尿血作渴飲冷以前丸料煎服兼用補中益氣湯而愈

一 小兒尿血面青脇痛小便頻數用五味異功散加柴胡炒黑龍膽草次用地黃丸而愈

一 小便久患便血屬脾胃虛熱也諸藥不應用人參二兩炒黑黃連吳茱萸各半兩為末米糊作丸佐以補中益氣湯

一 小兒便血面黃腹脹用四味肥兒丸及補中益氣湯加吳茱萸製黃連木香蘇莢三十餘劑而愈至夏間患血痢發熱

嗜執手足浮腫仍用前藥而痊  
一 小兒八歲腹脹臍凸大便下血如痢小便色赤似血面目

皆黃兩腮色赤此食積所傷而肝侮之也蓋脾病則補血不

能生腎故有是症當先消導積滯遂用越鞠丸加三消散

薑湯下四服二便通利又用大安丸二服下血亦止後復發

食發熱腹脹小便下血服保和丸四服而愈  
一 小兒十一歲因勞發熱尿血小便不利先用清心蓮子飲

二劑後用補中益氣湯加山梔而痊  
一 小兒便血服寒藥過多腹脹小便不利其血益甚余朝用

補中益氣湯夕用全薑加減腎氣丸而痊  
甘露飲治小兒胃中客熱齒齲潰爛時出膿血及目赤腫痛口

瘡喉腫或身面皆黃大便不調小便黃澁  
熟地黃 麥門冬 煨心枳殼 炒 茵陳 甘草 炙  
枇杷葉 石斛 黃芩 炒 生地黃 天門冬 去心炒 各等分



南氏醫法 傷寒論卷之八

聚金丸治大便下血發熱煩躁腹中熱痛作渴妄言舌澀目昏其脉弦數

黃連一兩水侵晒乾一兩炒 防風各一兩 犀角各一兩 牡丹皮各一兩 生地黃各一兩 赤芍藥各一兩

右為末每服二錢水煎服

愚按前方若肝脾積熱吐血衄血便血發熱作渴大便秘小便赤者宜用之若熱既退而作渴下血未止或日晡益甚者

陰血虛也用四物參朮主之若熱既退飲食少思肢體倦怠脾氣虛也用四君子當歸主之若藥用前方則候多矣

濟生犀角地黃湯治傷寒濕病失於表汗致內有瘀血吐血面赤黃大便黑及瘡痘出多以此解之

右每服二錢水煎服

千金地黃丸治小腸積熱藏毒去血

黃連四兩 生地黃半斤搗取汁連滓伴勻晒乾 右為末煉蜜丸桐子大每服一二十丸食後麥門冬湯下量兒加減

製黃連吳茱萸法

右以黃連吳茱萸各等分熟水拌濕入磁器內頓湯中良久俟氣味相和取出晒乾炒黃各棟出聽用

清心蓮子飲方見白濁 小柴胡湯方見瘧症

加味歸脾湯 越鞠丸

蘇氏醫法 傷寒論卷之八 八 前百三



四君子湯

清胃散

異功散 五方見內鈞

補中益氣湯

保和丸

大安丸 三方見虛癰即保和丸加白朮

加減腎氣丸 方見腹脹

八正散 方見小便不

六味丸 方見腎臟

茯苓散 方見尿白

下積丸

白朮散 方見積痛

四味肥兒丸 方見寒吐

大便不通

嬰童百問云小兒大便不通乃肺與大腸有熱以致秘結不通用清涼飲之類若飲食夾驚及積滯而不通者用大連翹飲之類驚風積熱而不通者用掩臍法此皆治實熱之例也余嘗治之因乳母或兒膏梁積熱及六淫七情鬱火傳兒為患者用清邪解鬱之劑稟賦怯弱早近色慾大便難而小便牽痛者用滋補肺腎之劑褚氏遺書云男子精未滿而御女以通其精則四體有不滿之處異日有難狀之疾老人陰已痿而思色以降其精則精不出而內敗精已耗而復竭之則大小便牽痛如淋今童子即有此患益見今人所稟與古人大徑庭矣人之血氣厚薄既殊而醫之用藥療法又豈可泥執古方而無加減之變乎



治驗

一小兒食膏粱之味大便不通飲冷發熱用清涼飲加大黃而通後飲食停滯腹痛大便不通用保和丸而痛止再煎檳榔湯送保和丸一服而便通

一小食食粽停滯大便不通痛不可忍手足發搐用大柴胡湯調酒麴末一錢下滯穢甚多作嘔不食用五味異功散加升麻柴胡而愈

一小兒大便不通審乳母飲食厚味所致用清胃散以治母熱兒間飲以一二匙而愈後乳母感寒腹痛食薑酒之物兒大便秘結兼便血仍用清胃散每日數匙而愈

小兒因乳母暴怒大便不通兒亦患之兼用加味小柴胡湯兒先用保和丸二服後用五味異功散加升麻柴胡兒日

飲數匙並愈

大柴胡湯 方見瘧症

神芎丸 方見驚風

六味丸 方見腎臟

清胃散 方見內鈞

小便不通

東垣云小便不利有在氣在血之異夫小便者足太陽膀胱之所主長生於申申者金也金能生水肺中伏熱水不能生是絕小便之源也治法用清燥金之正化氣薄之藥茯苓猪苓澤瀉琥珀燈心通草車前瞿麥篇蓄之類皆為淡滲能泄肺中之熱而滋水之化源也若不渴熱在下焦是熱濕其流而溺不泄也須用氣味俱厚陰中之陰藥治之二者之病一居上焦在氣分

快是眼裏之



而必渴一居下焦在血分而不竭血中有濕故不渴也二者之  
殊至易分別耳竊謂前症若津液偏滲於腸胃大便瀉利而小  
便澁少者宜分利若熱蘊於下焦津液燥而小便不行者宜滲  
泄若脾胃氣澁不能通調水道者宜順氣若乳母肝心二經有  
熱者用梔子清肝散肝經怒火者用柴胡梔子散若因父母曾  
服燥劑而致者用四物麥門甘草數而黃者用四物加山茱萸  
黃柏知母五味麥門肺虛而短少者用補中益氣加山藥麥門  
陰挺痿痺而頻數者用地黃丸熱結膀胱而不利者用五淋散  
脾肺燥不能化生者用黃芩清肺飲膀胱陰虛陽無以生而淋  
澀者用滋腎丸若膀胱陽虛陰無以化而淋澀者用六味凡若  
因乳母厚味酒麪積熱者用清胃散五淋散仍參諸淋覽之

治驗

一小兒十四歲肢體倦怠發熱晡熱口乾作渴吐痰如瀉  
便淋澀或面目赤色身不欲衣此稟賦腎虛陰燥也用補中  
益氣湯加減八味丸而愈

一小兒五歲小便不利用五苓散分利澹泄之藥益加不通  
小便陰囊漸腫先兄謂前藥復損真陰也用六味丸料加牛  
膝肉桂車前子佐以補中益氣湯而痊

一小兒八歲先小便澁滯服五苓散益甚加木通車前之類  
腹脹吐痰加枳殼海金沙而胸滿陰腫遍身發浮余用六味  
丸煎送滋腎丸而痊此皆稟父氣所致其作濕熱痰氣治之  
而沒者多矣

一小兒八歲先因小便黃赤服五苓導赤等散後患便血余  
以為稟賦虛熱也用六味丸及補中益氣湯而痊



木通散治小便不通少腹作痛

木通

滑石

羣牛

右為末燈心葱白水煎空心服

八正散治蘊熱咽乾口燥大渴引飲心忪面熱煩躁不寧目赤

睛疼或咽舌生瘡小便赤閉及熱淋血淋

車前子

瞿麥

大黃

山梔

滑石

扁蓄

木通

甘草

右為末每服二三錢入燈心水煎食前服

梔子仁散治小便不通臍腹脹悶心神煩熱

梔子仁

五枚

茅根

冬葵子

各半

甘草

錢二

右為末每服一錢水煎空心服

梔子清肝散

柴胡梔子散

二方見發熱即柴胡清汗散

補中益氣湯

方見虛癆

黃芩清肺飲

方見百晬內散

加減滋腎丸

方見腹脹

清胃散

方見內釣

四物湯

方見急驚

五苓散

方見五淋

六味地黃丸

方見腎臟

諸淋

夫小兒諸淋者腎與膀胱熱也二經相為表裏俱主水道水入小腸下行於胞則為溺若膀胱熱則津液內涸水道不通腎氣熱則小便淋瀝或少腹引臍而痛夫淋有五石淋者腎熱化石

薛氏醫按

保嬰撮要卷之八

十一

淋症



內寒水道痛引膀胱氣淋者肺氣壅熱小腹脹滿小便澀滯熱  
淋者三焦有熱傳入腎膀胱流入於胞小便赤澀血淋者心熱  
血散失其常經溢滲入胞寒淋者膀胱氣冷與正氣交爭寒戰  
氣解是也亦有因妊母肝熱及乳母恚怒者當分五臟蓄熱治  
之若心臟有熱者柴胡梔子散大便不通瀉青丸脾臟有熱者  
瀉黃散脾氣不足異功散脾氣下陷補中益氣湯肺臟有熱者  
瀉白散肺氣虛熱異功散加炒黑山梔腎臟有熱者地黃丸或  
因乳母肝經熱者用梔子清肝散恚怒者用柴胡清肝散乳母  
厚味者用加味清胃散心小腸熱者用清心蓮子飲或兒早近  
色慾小便澀滯或作痛及更去後大小便牽痛者皆屬肝腎不  
足也用六味地黃丸補中益氣湯加牛膝車前肉桂未應當參  
五臟所勝不可輕用滲泄寒涼之藥大損胃氣仍參前小便不

通症覽之

治驗

一小兒小便不通服五苓之類不應頰間及左腮色赤乃肝  
腎虛熱也用四物山梔及地黃丸而愈後因感冒誤汗小便  
仍不利余用補中益氣湯加麥門五味而安

一小兒小便不利莖中澀痛時或尿血此稟父腎熱為患也  
先用五淋散以疎導又用滋腎丸地黃丸補肝腎漸愈後出  
痘色紫小便短赤頰間右腮或赤或白用補中益氣湯六味  
地黃丸前症並愈

一小兒小便不利頰血鼻色赤屬脾肺有熱也用濟生犀角  
地黃湯而愈後頰間常赤作渴有痰此稟賦腎氣不足用地  
黃丸而諸症瘥



一 小兒十五歲所賦虛怯且近女色小便滴瀝誤服五苓散之類大小便牽痛幾至不起用六味丸而愈

金砂散治小便淋瀝不通

鬱金 海金砂 滑石 甘草各等分

右為末每服一錢煎地膚子湯調下燈心木通亦可

又方冬瓜最治實熱小便不通內熱口渴

立効散治小兒諸淋不通莖中作痛

木通 甘草 王不留行 胡荽 滑石

海金砂 山梔子 檳榔各等分

右每服一錢水煎

五淋散治膀胱有熱水道不通或小腹腫脹

赤茯苓 赤芍藥各五分 山梔子炒 當歸各二分

甘草二分

右用燈心十根水煎

木通散 方見小便不通

導赤散 方見心膈

瀉青丸 方見肝臟

瀉黃散 方見脾臟

四物湯 方見急驚

清胃散

異功散 二方見內鈞

補中益氣湯 方見虛羸

瀉白散 方見肺膈

地黃丸 方見腎膈

保嬰撮要卷之八



柴胡清肝散

二方見發熱即柴胡梔子散

滋腎丸 方見腹脹

清心蓮子飲

茯苓散 二方見白濁

五苓散 方見五淋

聖濟犀角地黃湯 方見尿血便血

遺尿

巢氏云腎主水與足太陽相為表裏經曰膀胱者州都之官津液藏焉則陽氣內收腎與膀胱之氣虛寒不能約制故睡中遺出內經謂膀胱不約為遺是也用破故紙散益智散雞腸散之類主之亦有熱客於腎干於足厥陰之經廷孔鬱結而氣血

不能宣通則痿痺而無所用故液滲入膀胱而漩溺遺失者用六味地黃丸虛熱亦用前丸脾肺氣虛者用補中益氣湯加補骨脂山茱萸

治驗

一小兒眼胞微腫欬惡心小便泔白余謂脾疳食積也用五味異功散佐以四味肥兒丸而愈後不節飲食視物不明余曰目為五臟之精脾胃復傷須補養為主不信乃復峻厲之劑變慢脾風竟為不起

一小兒三歲素遺尿余視其兩頰微赤此稟父腎與膀胱二經陰虛也與六味丸復之赤色漸退而遺尿亦愈

一小兒四歲飲食少思便泄腹痛素遺尿額頰青黑雖盛暑而惡風寒余謂經云熱之不熱是無火也用八味丸治之諸



症悉愈

破故紙散治膀胱虛冷夜間遺尿或小便不禁

破故紙 為末每服一錢熱湯調下

湯氏雞腸散治小便不禁睡中遺出

雞腸草 一兩 牡蠣粉 三錢 龍骨 煨 麥門冬 去心 白茯苓

桑螵蛸 兩 右為散每服一錢棗水煎

又方五倍子炒焦為末每服半錢白湯調下或糊丸米湯送下

益智散 方見潮熱即益智丸

補中益氣湯 方見虛羸

異功散 方見內鈞

四味肥兒丸 方見寒吐

六味地黃丸

加減八味丸 二方見腎臟即六味丸加五味子以桂

白濁

仁齋曰小兒尿白久則成疳此因心膈伏熱或乳哺失節傷脾使清濁不分故也全嬰方云小便初濁微赤良久白濁者乃熱疳之症也初濁黃白良久白濁者冷疳之症也冷者益黃散熱者牛黃丸冷熱相兼者蘆薈丸純下白濁者君朴丸諸失津液欲成疳而小便白者茯苓散小便如泔或良久變白亦有脾虛食積濕熱下注者先用茯苓散五七服次用四味肥兒丸若乳食少思或腹肚脹大小便頻數此脾虛元氣下陷也朝用五味異功散夕用四味肥兒丸若肥體色黃小便不調髮黃脫落鼻下瘡癢嗜工少食大便青褐者用梔子茯苓湯仍審其乳母飲食七情治之



治驗

一 小兒發熱懶食小便良久變白余用四味肥兒丸即愈或誤以為積熱用青涼祛逐之劑形體頓弱虛症悉至小便如泔用補中益氣湯及四味肥兒丸而愈

一 小兒面色痿黃眼胞微腫作渴腹脹飲食少思小便澄白大便不實此脾疳之症也用四君子加山梔蕪荑兼用四味肥兒丸而愈

一 女子小便或黃或白後前陰作痒出水此肝經濕熱先用龍胆瀉肝湯一劑又以加味道遙散加龍胆草而愈

一 小兒兩耳後腦下各結一核小便白濁面色痿黃體倦口乾大便不調用蘆薈丸而愈後鼻外生瘡作痒小便仍白視物不明用四味肥兒丸而愈

一 小兒白濁兩耳內耳外生瘡膿水淋漓用大蘆薈丸而愈後遍身如疥肌體消瘦發熱作渴大便酸臭小便白濁用九味蘆薈丸五味異功散而愈

一 小兒白濁形氣甚虛發熱作渴余謂肝腎虛羸也用大蘆薈丸地黃丸而愈畢姻後小便仍白唾痰發熱形氣益虛用大劑益氣湯六味丸各五十餘劑而愈

一 小兒白濁發熱口乾體瘦骨立余謂腎經虛羸朝用補中益氣湯夕用六味地黃丸而愈後兩目或生白翳面黃浮腫小便仍白此變肝脾疳症用四味肥兒丸月餘漸瘥

君朴丸治小兒小便白濁久則黃瘦不長肌肉

史君子

煨厚朴製

黃連

各一兩 木香 三錢

右為末蒸餅糊丸桐子大每服一二十九米湯下



茯苓散治乳食傷脾或心經伏熱小便白濁

三稜煨

蓬朮煨

砂仁

赤茯苓各半

青皮

陳皮

滑石

甘草各一錢五分

右為末每服一錢燈心湯調下

三稜散治小兒尿白久則成疴宜補脾消食化積

三稜

蓬朮各一兩益智仁

甘草

神麩炒麥芽

橘皮各半

右為末每服一錢白湯點下

分清飲治小便餘瀝并赤白濁

益智仁

川草薢

石菖蒲鹽炒

烏藥

茯苓

白芍藥各三分

右入燈心水煎

清心蓮子飲治發熱口乾小便白濁夜則安靜晝則發熱

黃芩

麥門冬

地骨皮

車前子

石蓮肉

茯苓

黃芪

柴胡

甘草各三分人參各二錢五分

右每服二錢水煎服

梔子茯苓湯

即大蕪黃湯方見諸疴症

大安丸 即保和丸加白朮

補中益氣湯 二方見虛癆

龍膽瀉肝湯 方見疰氣

加味逍遙散

異功散

四君子湯 三方見內鈞

益黃散 方見脾臟

牛黃丸 方見驚癇

蘆薈丸 方見疴症

疴症



錢仲陽云小兒諸疳皆因病後脾胃虧損或用藥過傷不能傳化乳食內亡津液虛火妄動或乳母六淫七情飲食起居失宜致兒為患五臟之疳不同當各分辨肝疳者一名風疳其症白膜遮睛或瀉血羸瘦心疳者其症面黃頰赤身體壯熱脾疳者一名肥疳其症肢體黃瘦皮膚乾澀多生瘡疥腹大食主肺疳者一名氣疳其症喘嗽不已口鼻生瘡腎疳者一名骨疳其症肢體削瘦遍身瘡疥喜卧濕地楊氏云又有疳傷者五臟蟲疳也其名甚多姑舉其要蟲疳者其蟲如絲出於頭項腹背之間黃白赤者可治青黑者難療蛔疳者皺眉多啼嘔吐青沫腹中作痛肚脹青筋唇口紫黑頭搖齒痒春疳者身熱羸黃煩渴下利拍背有聲脊骨如鋸齒十指皆瘡類齧爪甲腦疳頭皮光急滿頭併瘡腦熱如火髮結如穗遍身多汗顛腫顛高疳渴者日

則煩渴飲水不食夜則渴止疳瀉者毛焦唇舍額上青絞肚脹腸鳴瀉下糟粕疳痢者停積宿滯水穀不聚瀉下惡物疳腫者虛中有積肚腹緊脹脾復受濕則頭面手足虛浮疳勞者潮熱往來五心煩熱盜汗骨蒸嗽喘枯悴渴瀉飲水肚硬如石面色如銀無辜疳者腦後項邊有核如彈丸按之轉動軟而不疼其內有蟲不速針出則內食臟腑肢體癰疽便利膿血壯熱羸瘦頭露骨高相傳兒衣夜露為鴟鳥羽所污亦致此症若手足極細項小骨高尻削體痿腹大臍突號哭胸陷名丁奚若虛熱往來頭骨分開翻食吐蟲煩渴嘔穢名哺露若牙齒蝕爛名走馬疳蓋齒屬腎腎虛受熱疳火上炎致口臭齒黑盛則齲爛牙宣大抵其症雖多要不出於五臟治法肝疳用地黃丸以生腎心疳用安神丸以治心異功散以補脾脾疳用四味肥兒丸以治



疳五味異功散以生土肺疳用清肺飲以治肺益氣湯以主金  
腦疳亦用地黃丸無辜疳用大蕪荑湯蟾蜍丸丁奚哺露用肥  
兒丸大蘆薈丸走馬疳敷雄黃散服蟾蜍丸若作渴瀉痢腫脹  
勞瘵等類當詳參方論而治之蓋疳者乾也因脾胃津液乾涸  
而患在小兒爲五疳在大人爲五勞總以調補胃氣爲主

治驗 更參肛門作痒

陳職方孫三歲面頰患瘡沿蝕兩目肚大青筋小便澄白此  
肝疳之症也用大蕪荑湯二劑而愈

陳司廳子遍身生瘡面色痿黃腹脹內熱大便不調飲食少  
思倦怠口乾爲肝脾疳症用大蘆薈丸不月而痊

陳工部長孫腹內一塊小便不調或用行氣破血等藥發熱  
口乾體瘦懶食面黃兼青幾成瘵症以補中益氣湯煎送大

蘆薈丸四服又用前湯加車前子煎送六味丸四服又用清  
肝生血之藥而痊

一女子十二歲目生白翳面黃浮腫口乾作瀉用四味肥兒  
丸而痊

一小兒頭搖目劄口渴下血此肝經血虛風熱也用地黃丸  
而痊若肝經實熱兼用瀉青丸蓋虛則補其母實則瀉其子

一小兒十一歲兩耳後腦下各結一核色不變不痛而面色  
痿黃體倦口乾去後不調用蘆薈丸治之諸症頓愈

一小兒鼻外生瘡不時揉擦延及兩耳又一小兒視物不明  
鼻內或痒或生瘡用四味肥兒丸並愈

一小兒水入耳內耳外生瘡膿水淋漓經歲不愈余謂肝火  
上炎用大蘆薈丸而愈



一 小兒遍身如疥或痒或痛肌體消瘦日夜發熱口乾作渴大便不調年餘不愈用九味蘆薈丸而愈

一 小兒數歲腦後並結二核肉色如故亦不覺痛用大蘆薈丸以清肝脾佐以地黃丸補腎水形體健而核自消

一 小兒腹內結塊小便不調此肝經內疳也用龍胆瀉肝湯及大味蘆薈丸而痊

一 小兒自生後兩目赤腫或作痒或生翳此胎稟肝火用蘆薈六味地黃丸而痊

一 小兒患燥癰小便頻數兩目連劄作嘔少食泄瀉後重用補中益氣湯六味地黃丸漸愈佐以蘆薈丸而痊

一 小兒食泥土困睡泄瀉遍身如疥此脾經內外疳也用六君子湯肥兒丸而愈

一 小兒面黃頰赤發熱作渴睡中驚悸此心經內外疳也用秘旨安神丸而痊

一 小兒患前症兼掌心發熱遍身如疥用安神肥兒二丸而愈

一 小兒咳嗽寒熱咽喉不利鼻上有瘡久不結痂此肺經疳症也用地黃清肺飲而痊

一 小兒下疳潰痛爪黑面鰲遍身生疥此肝經內外疳也用地黃蘆薈二丸而愈

史少參幼子二歲項後結核不時仰呌或以爲熱瘡內潰用針決之服消毒之藥後曲腰啼哭余謂此名無辜疳仰身而哭外疳症也腰哭而啼內疳症也元氣敗矣果歿

一 小兒四肢消瘦肚腹漸大寒熱嗜卧作渴引飲此肝脾疳症名丁奚哺露用白朮散爲主佐以十全丹月餘諸症漸愈



乃以異功散加當歸及六味丸而痊

一小兒患疳虛症悉具熱如火炙病狀不能盡述朝用異功散夕用四味肥兒丸月餘諸症稍愈佐以九味地黃丸自能行立遂朝以六味地黃丸夕以異功散及蚶蟆丸而痊

一小兒四肢消瘦肚腹脹大行步不能作渴發熱去後臭穢以十全丹數服諸症漸愈又用異功散肥兒丸調理漸愈

大蘆薈丸治疳殺蟲和胃止瀉

胡黃連

黃連

白蕪荑

去扇

蘆薈

木香

青皮

白雷丸

破開

鶴虱

微炒

麝香

二錢

另研

右為末粟米飯丸茶豆大每服一二十丸米飲下愚按前方肝肺疳積食積發熱目生雲翳或疳熱頸項結核或耳內生瘡肌體消瘦發熱作渴飲食少思肚腹膨脹或牙齦蝕落項

頤腐爛陰囊玉莖生瘡或胸脇小腹作痛並効內青皮以龍

膽草代之麝香不用丸効

六味肥兒丸消疳化蟲退熱

黃連

陳皮

川練子

去核

神麩

炒

麥蘖

炒各

白蕪荑

半兩

右為末糊丸麻子大每服一二十丸空心米飲吞下

愚按前方又治脾疳飲食少思肌肉消瘦肚大頸細髮稀成穗項間結核發熱作渴精神倦怠大便酸臭嗜食泥土或口鼻頭瘡肚見青筋嚙齒下痢便白五疳用此丸加乾蟾一兩蕪荑五錢尤妙

蚶蟆丸治無辜疳症一服虛熱退二服煩渴止三服瀉痢住

蟾蜍

一枚夏月溝渠中腹大跳不鳴身多癩癩者



右取糞蛆一杓置桶中以尿浸之桶上要乾不令蟲走出却將蟾蜍撲死投蛆中食一晝夜以布袋盛置浸急水中一宿取出瓦上焙為末入麝一字粳米飯揉丸麻子大每服二十丸米飲下

愚按前方又治無辜疳症面黃壯熱不食舌下有蟲或腦後有核軟而不痛中有粉蟲隨氣流散侵蝕臟腑便滑膿血日漸黃瘦頭大髮豎手足細軟變生天癩獠猴口木舌懸癰重睛着噤臍風撮口重舌龜背龜胸一十二種敗症急用蟾蜍丸大蕪蕪湯治之多有生者

生熟地黃湯治疳眼閉合不開

- 生地黃 各半
- 熟地黃 各半
- 川芎
- 赤茯苓
- 枳殼 製
- 杏仁 去皮
- 川黃連
- 半夏 麩
- 天麻
- 地骨皮

甘草 各二分 右每服二錢黑豆十五粒薑水煎服

噎疳散治疳

- 蘆薈 各一錢
- 瓜蒂
- 猪牙皂角
- 蝦蟇灰 各五分
- 麝香 少許
- 右為末吹入鼻嚏則可療

脂連丸治五疳潮熱腹脹髮焦

- 胡黃連 各一兩
- 五靈脂 一兩
- 右為末猪膽汁丸麻子大米飲下

茯苓丸治心疳驚疳

- 茯苓
- 蘆薈
- 琥珀
- 川黃連 各一錢
- 赤茯苓 各二分
- 鈎藤皮
- 遠志肉
- 蝦蟇灰 各三錢
- 石菖蒲 一錢
- 麝香 少許

右為末粟米丸麻子大薄苜湯下

神效換肌丸治脾疳肌瘦潮熱盜汗泄瀉糟粕頭大腹急



川黃連炒 鱉田酒炙 肉苳蔻煨 史君子麵裹 神麩炒

麥芽炒各半兩 訶子肉半錢 麝香五分

右為末糊丸芥子大米湯下

天麻丸治肝疳風疳疳眼

青黛 川黃連 天麻 五靈脂 夜明沙微炒

川芎 蘆薈各二錢 龍胆草 防風 蟬退去足各一錢半

全蝎二枚焙 麝香少許 乾蟾頭炙焦三錢

右為末猪膽汁浸糕丸麻子大每服十丸薄荷湯下

化醫丸治諸疳生蟲不時啼哭嘔吐清水肚腹脹痛唇口紫黑

腸頭濕蟹

蕪荑 蘆薈 青黛 川芎 白芷梢

胡黃連 川黃連 蝦蟇灰各等

右為末猪胆汁浸糕糊丸麻子大每服一二十丸食後臨臥

杏仁煎湯下其鼻常用熊膽煎湯筆蘸洗俟前藥各進數服

却用青黛當歸赤小豇瓜蒂地榆黃連蘆薈雄黃為末人鼻

靈脂丸治脾疳食疳

白苳蔻 麥芽炒 五靈脂 宿砂 蓬朮煨

青皮 橘紅 史君子焙各二錢 蝦蟇炙焦三錢

右為末米糊麻子大每服十丸米湯下

下蟲丸治疳蛔諸蟲

新白苦棟根皮酒浸 絲包貫眾 木香 桃仁浸去皮

蕪荑焙 雞心檳榔各二錢 鶴虱炒一錢 輕粉五分 乾蝦蟇炙

錢史君子五十取

右為末麵糊丸麻子大每服一二十九天明清肉汁下內加



薛氏醫按 佛嬰開要卷之八

當歸川連各二錢五分

龍膽丸治腦疳腦熱瘡

龍膽草

升麻

苦棟根皮

赤茯苓

防風

蘆薈

油髮灰

青黛

黃連

右為末狢猪胆汁浸糕糊丸麻子大薄苛湯下仍以蘆薈末

黃連丸治疳勞

黃連

烏梅肉

石蓮

瓜蒌根

杏仁

皮

右為末牛膽汁浸糕糊丸麻子大煎烏梅薑蜜湯下

香薷丸治疳瀉

黃連

肉荳蔻

木香

訶子肉

砂仁

茯苓

右為末飯丸麻子大米飲下

木香丸治疳痢

黃連

木香

紫厚朴

夜明砂

訶子肉

炒

右為末飯丸麻子大乾艾生薑煎湯食前下

十全丹治丁奚嘔露

青皮

陳皮

川芎

五靈脂

白豆蔻仁

雞心檳榔

蘆薈

木香

史君子

蝦薄子

右為末猪膽汁浸糕糊丸麻子大每服一二十九米飲下有

熱薄苛湯下

湯氏十全丹治前症

檳榔

枳殼

陳皮

丁香

木香

香附子

右為末神麩糊丸黍米大每服三十九空心食前米飲下有



愚按前症因乳哺不調傷損脾胃不思飲食氣血日損四肢日瘦肝腹漸大是名丁奚呼吸少氣汲汲苦熱謂之哺露屬形病俱虛雖用前藥宜佐以異功散壯脾胃以行藥勢驚血煎治疳勞

無菱 柴胡 川芎各一兩 人參半兩 史君子二十個

胡黃連 宣黃連

右用鱈血一盞吳茱萸一兩和二黃連淹一宿次早炒乾去

茱萸并血用二連入餘藥末粟米糊丸麻子大食前熱水下

地黃清肺飲治肺熱疳飲穿孔或生瘰肉或鼻外生瘡

桑白皮炒半兩 紫蘇 前胡 赤茯苓 防風

黃芩 當歸 天門冬去心 連翹 桔梗 生地黃

甘草各一分 右每服二錢水煎服次用化疳丸

九味地黃丸治腎疳

熟地黃四錢五分 赤茯苓 山茱萸肉 川練子

當歸 川芎 牡丹皮 山藥 史君子肉二錢

右為末當歸 杏仁大每服八十九空 心溫酒下

東垣大蕪夷湯一名梳子 治黃疳土色為濕為熱當利小便今

反利知與色中為 髮黃脫落知勝脫腎俱受土 鼻下斷作瘡

上逆行營能乳胃中有熱也 喜食土胃不 面黑色為瘵 大便

清真 褐色 間黃色腸胃有熱 治當滋榮潤燥外致津液

山梔仁三分 黃栢 甘草各二分 大蕪夷五分 黃連

麻黃根一分 薑活二分 柴胡三分 防風一分 白朮

茯苓各五分 當歸四分 右水煎服

硃砂安神丸治心疳疰忡心中痞悶



薛氏醫法

保嬰撮要卷之八

三

字

硃砂四錢

黃連

生地黄各半

生甘草二錢

藜蘆

二錢

銅青

輕粉各兩

右為末乾敷上

白粉散治疔瘡

海螵蛸三分

白芨二分

輕粉一分

右為末先用漿水洗拭乾傳

六君子湯

異功散二方見內鈞

六味丸方見腎臟

四味肥兒丸方見寒吐

瀉青丸方見肝臟

龍膽瀉肝湯方見疝氣

補中益氣湯方見虛羸

白木散方見積滯

二便色白

秘旨云小兒便如米泔或溺停少頃變作泔濁者此脾胃濕熱也若大便泔白色或如魚凍或帶紅黃黑者此濕熱積滯也宜理脾清滯去濕熱節飲食若忽然變青此是變蒸也不必用藥若久不愈用補脾制肝若心膈伏熱則成疳矣大抵多因乳哺失節脾氣有傷元氣下陷或乳母飲食七情所致小便如疳或大便泔白者用四味肥兒丸積滯黃黑者用四君子湯加黃連木香色青日久不復或兼泄瀉或腹痛者用六君子湯加木香芍藥若小便小利大便褐色髮黃脫落鼻下瘡瘻用梔子茯苓湯乳食少思胸腹膨脹大便頻數用四味肥兒丸仍審乳母飲食七情主之

長身長身長身

三

字



治驗

一小兒每食停滯大便色白而頻先用大安丸異功散少加炒黑黃連一二服後小水澄久如泔發熱體倦用四味肥兒丸而愈

一小兒患前症停食發熱先用大安丸而愈後患腹脹午後發熱用五味異功散而瘥

一小兒患前症兼自痢用異功散加升麻柴胡而愈但日晡微熱倦怠用補中益氣湯四味肥兒丸而愈

一小兒患前症服驅逐之劑手足並冷作渴少食此脾氣復傷也用六君升麻柴胡而瀉止又四味肥兒丸而愈

四君子湯

六君子湯

加味逍遙散

五味異功散

四方見內釣

龍膽瀉肝湯

方見疝氣

補中益氣湯

大安丸

保和丸加白朮

四味肥兒丸

方見寒吐

梔子茯苓湯

即大黃黃湯方見疳症

保嬰撮要卷之八 終



氏醫書

保身要略卷之八

三十一

8



